

**“Ўзбекистон темир йўллари” акциядорлик жамияти
юқори бошқарув органининг 20-сонли қарори**

Тошкент шаҳри

2017 йил “21” август

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 58-моддасида барча оддий акциялар битта акциядорга тегишли бўлган жамиятда акциядорларнинг умумий йиғилиши ўтказилмаслиги ва мазкур Қонун ҳамда жамиятнинг устави билан акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан яқка тартибда қабул қилиниши ҳамда ёзма шаклда расмийлаштирилиши белгиланган.

“Ўзбекистон темир йўллари” акциядорлик жамиятининг ягона акциядори Ўзбекистон Республикаси Давлат рақобат қўмитаси ҳузуридаги Давлат активларини бошқариш маркази (кейинги матнда ДАБМ) ҳисобланади.

“Ўзбекистон темир йўллари” акциядорлик жамиятининг юқори бошқарув органининг ваколатига қирадиган қуйидаги масала бўйича қарор ягона акциядор томонидан қабул қилинади.

1. “Ўзбекистон темир йўллари” акциядорлик жамиятининг янги таҳрирдаги уставини тасдиқлаш.

2. “Ўзбекистон темир йўллари” акциядорлик жамиятининг ижроия органи таркибини тасдиқлаш.

Қун тартибидаги биринчи масала бўйича, “Ўзбекистон темир йўллари” АЖ бошқарув раисининг биринчи ўринбосари А.С. Шукуровнинг ахбороти тингланди.

“Ўзбекистон темир йўллари” АЖ юқори бошқарув органининг 2017 йил 27 январдаги 14-сонли қарорига мувофиқ чиқарилган номинал қиймати 430 сўм бўлган 381 360 075 дона 163 984 832 250 сўмлик акциялар тўлиқ жойлаштирилди. Шунингдек Ўзбекистон Республикаси Президентининг 2017 йил 26 июлдаги ПҚ-3147-сонли “Кўмир саноати корхоналари фаолияти самарадорлигини ошириш ва бошқарув тузилмасини такомиллаштириш тўғрисида”ги Қарорига кўра “Ўзбекистон темир йўллари” АЖ ижроия органи таркибига бошқарув раисининг “Саноат ишлаб чиқариш масалалари бўйича” ўринбосари лавозимини ташкил этиш белгиланган.

Ўзбекистон Республикаси Вазирлар Маҳкамасининг 2017 йил 9 февралдаги “Ўзбекистон Республикаси Президентининг “Тадбиркорлик субъектларини давлат рўйхатидан ўтказиш ва ҳисобга қўйиш тизимини такомиллаштириш тўғрисида” 2016 йил 28 октябрдаги ПҚ-2646-сон қарорини амалга ошириш чора-тадбирлари тўғрисида”ги 66-сон қарорига асосан жамият уставига киритилаётган ўзгартириш ва қўшимчалар матни янги таҳрирда чоп этилиб, “Ягона дарча” марказида рўйхатдан ўтказилади (жамиятининг янги таҳрирдаги устави илова қилинади).

Юқоридагиларни инобатга олиб, жамият ягона акциядори қарор қабул қилади:

1. “Ўзбекистон темир йўллари” акциядорлик жамиятининг янги таҳрирдаги устави иловага мувофиқ тасдиқлансин.

Кун тартибидаги иккинчи масала бўйича, Ўзбекистон Республикаси Вазирлар Маҳкамасининг 28 июл 2017 йилдаги 551-сонли қарорига мувофиқ, Жамият бошқарув раисининг саноат ишлаб чиқариш масалалари бўйича ўринбосари И.Б.Турамуратовни тасдиқлаш тўғрисидаги масала юзасидан жамият ягона акциядори қарор қабул қилади:

1. Бошқарув аъзолигига тайинланган “Ўзбекистон темир йўллари” акциядорлик жамияти бошқарув раисининг ўринбосари И.Б.Турамуратов билан меҳнат шартномаси тузилсин.

“Ўзбекистон темир йўллари” АЖ
акциядори - Давлат активларини
бошқариш маркази бош
директори в.в.б.



Миралиев А.Э.